

# Stakksbraut 9 ehf.

Umsókn um starfsleyfi vegna framleiðslu kísils í Helguvík



Ársframleiðsla allt að 100.000 tonna af kísli

25. júní 2013

## Samantekt

Stakksbraut 9 ehf. (hér eftir einnig vísað til sem félagsins eða S9) sækir hér með um starfsleyfi fyrir kíslverksmiðju sem mun geta framleitt allt að 100.000 tonn af hrákíslí (e. metallurgical grade silicon) í ljósbogaofnum. Umsókn þessi er í samræmi við reglugerð nr. 785 frá árinu 1999 um starfsleyfi fyrir starfssemi sem getur haft í för með sér mengun.

Félagið vann umhverfismat fyrir verksmiðjuna, á Stakksbraut 9 í Helguvík, sem Skipulagsstofnun samþykkti 10. maí 2013. Í matsskýrslunni er framleiðsluferli kíslils rakið, hráefni sem notuð eru við kísilframleiðslu og áætluð losun mengandi efna út frá líkanagerð og innihaldslýsinga hráefna.

Staðsetning lóðar S9 hentar mjög vel fyrir kísilframleiðslu vegna nálægðar við Helguvíkurhöfn, auk þess sem stutt er í gott og öflugt vinnuafli á Suðurnesjum og á höfuðborgarsvæðinu. Á Reykjanesi er einnig mikil raforka framleidd sem gerir flutning raforku til verksmiðjunnar mjög hagkvæman. Árið 2009 fékk annað félag starfsleyfi fyrir 50.000 tonna kísilframleiðslu á sömu lóð í Helguvík.

Helstu byggingar kíslverksmiðjunnar í Helguvík verða ofnahús, tvö loftsíuhús, tvær hráefnisgeymslur með tilheyrandi færiböndum og hráefnisblöndunarhúsi, verkstæðishús, geymslubygging og skrifstofu- og starfsmannabygging. Allur framleiðslubúnaður og hreinsivirki verksmiðjunar verða af nýjustu og bestu gerð og beitt verður bestu fáanlegri tækni (e. BAT).

Orkuþörf verksmiðjunnar verður um 130MW og hafa samningsviðræður við orkufyrirtæki gengið vel en búast má við að þeim ljúki á haustmánuðum ársins 2013, með samningi um orkuöflun fyrir fyrri áfanga verksmiðjunnar. Bygging kíslverksmiðjunnar í Helguvík krefst ekki breytinga á aðal- og deiliskipulagi Reykjanesbæjar þar sem ekki þarf að skilgreina þynningarsvæði vegna verksmiðjunnar, eins og kemur fram í umhverfismatskýrslu félagsins. Þar má sjá að styrkur mengandi efna verður ávallt vel undir gildandi umhverfisviðmiðum.

## **EFNISYFIRLIT**

<b>1. INNGANGUR .....</b>	<b>4</b>
<b>2. FRAMLEIÐSLULÝSING .....</b>	<b>4</b>
<b>3. LOSUN FRAMLEIÐSLUNNAR .....</b>	<b>6</b>
<b>4. STARFSLEYFISUMSÓKN .....</b>	<b>7</b>
4.1 LOSUNARMÖRK FYRIR ÚTBLÁSTUR:.....	7
4.2 LOSUNARMÖRK SEM TENGJAST HEILDARFRAMLEIÐSLU:.....	7
<b>5. ÁHÆTTUMAT VEGNA BRÁÐAMENGUNAR HAFS OG STRANDA.....</b>	<b>8</b>

## **VIÐAUKAR**

Viðauki 1: DEILISKIPULAG HELGUVÍKURSVÆÐISINS FRÁ REYKJANESBÆ

Viðauki 2: BRÉF SKIPULAGSSTOFNUNAR UM NIÐURSTÖÐUR UMHVERFISMATS

## 1. Inngangur

Stakksbraut 9 ehf. sækir hér með um starfsleyfi fyrir kíslverksmiðju sem mun geta framleitt allt að 100.000 tonn af hrákisli (e. metallurgical grade silicon) í ljósbogaofnum. Umsókn þessi er í samræmi við reglugerð nr. 785 frá árinu 1999 um starfsleyfi fyrir starfssemi sem getur haft í för með sér mengun.

Á vormánuðum árið 2012 festi Stakksbraut 9 ehf. kaup á lóðinni Stakksbraut 9 á skipulögðu iðnaðar- og hafnarsvæði í Helguvík. Félagið áætlar að hanna, reisa og reka kíslverksmiðju á lóð sinni með allt að 100.000 tonna ársframleiðslu. Félagið mun framleiða kísil til sölu á Evrópu- og Ameríkumarkaði. Áætlað er að verksmiðjan verði reist í tveimur jafnstórum þrepum þar sem orkuþörf hvors áfanga verður um 65MW.

## 2. Framleiðslulýsing

Kísillinn verður framleiddur með rafgreiningu kvars í fjórum ljósbogaofnum. Inni í þeim verður um 1900°C hiti og lýsa má ofnunum sem stórum lokuðum vatnskældum tönkum með múnsteinsfóðringu. Gegnum þak ofnanna ganga þrjú rafskaut sem notuð eru til að rafgreina kísillinn.


Til að afoxa kvars eru notuð kol og koks sem gefa af sér kísil eins og efnahvarfið sýnir:



Ofnarnir eru með vatnskældri stálskel sem samanstendur af veggjum og botni og stendur á hjólum svo hægt er að snúa ofnunum í hringi. Að innan er múnsteinsfóðring með veggjum og botni. Yfir ofnunum eru stálþök þar sem rafskautin þrjú fara ofan í ofninn. Ofnþakið er einnig kælt með lokaðri kælihringrás. Milli neðri hluta ofnsins og ofnþaksins eru stálplötur sem hægt er að opna þegar skaka þarf í ofninum.

Rafgreining fer fram innan múnsteinsfóðringarinnar og þegar nægjanlegt magn hefur verið rafgreint er kíslinum tappað af í deiglur sem farið er með í steypuskálann þegar þær eru fullar.

Hver ofn hefur þrjú sívalningslagu rafskaut og við rafgreininguna myndast ljósbogi milli hráefnisins og rafskautanna. Hráefnið hitnar bæði af völdum varma sem myndast er rafstraumur er leiddur í gegnum efnid og við varmageislun frá ljósboganum. Tölvustýrt vökvakerfi sér um að lyfta eða lækka rafskautin til að stýra rafgreiningunni. Við framleiðslu eins tonns af kíslí þarf um það bil 12 MW stundir af raforku.



*Mynd 2.1 Einföld skýringarmynd af framleiðslu kísils*

Á mynd 2.1 má sjá einfaldaða skýringarmynd af framleiðslu kísils. Hráefnum er sturtað, í réttum hlutföllum, í ofinn og fljótandi kísillinn sest niður á botn ofnsins þaðan sem honum er tappað í deiglur og síðan er honum hellt í móti þar sem hann storknar. Hráefnisnotkun fyrirtækisins er sýnd í töflu 2.1.

Hráefni	Magn	Uppruni
Kvars	260.000 tonn/ár	Spánn/Egyptaland
Kol	120.000 tonn/ár	Kólumbía
Koks	28.000 tonn/ár	Pólland
Tréflís	130.000 tonn/ár	Lettland/Kanada
Rafskaut	6.000 tonn/ár	Spánn/Pýskaland
Orka	1.200 GWh/ár	Ísland

*Tafla 2.1 Hráefnisnotkun fyrirtækisins á ári*

### 3. Losun framleiðslunnar

Í erindi þessu er sótt um starfsleyfi til framleiðslu á 100.000 tonnum af kíslí í Helguvík. Við framleiðsluna losna meðal annars: CO<sub>2</sub>, SO<sub>2</sub>, NO<sub>x</sub>, ryk og varmi. Helstu losunartölur má sjá í töflum hér að neðan:

Efni	CO <sub>2</sub>	SO <sub>2</sub>	NO <sub>x</sub>	PAH	VOC	POP	PM <sub>10</sub>	Málmar <sup>1</sup>
Eining	tonn/ári	tonn/ári	tonn/ári	tonn/ári	tonn/ári	g/ári	tonn/ári	kg/ári
Árleg losun	360.000	1.500	520	0,18	3,7	0,32	130	19,4

Tafla 3.1 Væntanleg árleg losun frá loftsiuhúsi

<sup>1</sup> aðrir málmar í ryki <0,015% af PM<sub>10</sub>: As 4,8kg, Cd 0,16kg, Pb 3,8 kg, Zn 7,2 kg, Cr 1,4 kg og Cu 1,0 kg

Að auki mun við framleiðsluna myndast eftirfarandi aukaafurðir sem félagið mun þurfa að losa sig við:

Úrgangur	Væntanlegt magn
Uppsóp af fínefnum frá hráefnum	300–500 tonn á ári
Ónothaft kísilryk	150–250 tonn á ári
Óseljanlegt kísilgjall og málmlifar frá steypuskála	50–100 tonn á ári
Ónytar múrfóðringar frá ofnum	280 tonn á 20 ára fresti
Samtals árlegur úrgangur	500–850 tonn

Tafla 3.2 Meðaltalsúrgangur frá kísilverksmiðjunni

Allt kapp verður lagt á að endurnýta sem mest af þessum úrgangi og koma aftur inn í framleiðsluna til að lágmarka tap félagsins. Gera má ráð fyrir að meðalefnasamsetning úrgangsefna frá framleiðslunni verði eins og sýnt er í töflu 3.3:

Úrgangur	SiO <sub>2</sub>	Al <sub>2</sub> O <sub>3</sub>	Fe <sub>2</sub> O <sub>3</sub>	CaO	TiO <sub>2</sub>	MgO	Na <sub>2</sub> O	K <sub>2</sub> O	P <sub>2</sub> O <sub>5</sub>	Cl
Efnasamsetning %	90–95	2–4	2–4	0,5–1	<0,1	<0,1	<0,1	<0,1	<0,1	<0,01

Tafla 3.3 Samsetning úrgangs frá framleiðslunni

## 4. Starfsleyfisumsókn

Fyrirtækið sækir um að eftirfarandi losunarmörk verði í starfsleyfi félagsins:

### 4.1 Losunarmörk fyrir útblástur:

	Ársmeðaltal	Klukkustundameðaltal
Ryk <sup>2</sup>	20 mg/Nm <sup>3</sup>	30 mg/Nm <sup>3</sup>

<sup>2</sup> Allt ryk, hvort sem það er frá ofnum, aftöppun, hreinsun, íblöndun eða öðrum stöðum.

### 4.2 Losunarmörk sem tengjast heildarframleiðslu:

	Ársmeðaltal	Mánaðarmeðaltal
Ryk	3,5 kg/tonn	5,0 kg/tonn
Brennisteinsdioxíð	20 kg/tonn	30 kg/tonn
Koltvísýra <sup>3</sup>	3,6 tonn/tonn	3,6 tonn/tonn

<sup>3</sup> Samtals fyrir bæði jarðefna og lífræn kolefní

Að minnsta kosti einu ári fyrir gangsetningu verksmiðjunnar mun félagið hafa útbúið og fengið samþykkta vöktunaráætlun til mælinga á útblæstri, frárennsli og hljóðstigi frá verksmiðjunni. Eins mun félagið skrá reglulega eftirfarandi atriði sem verða aðgengileg eftirlitsaðilum:

- Viðhald, eftirlit og bilanir í mengunarvarnabúnaði.
- Mengunaróhöpp og viðbrögð við þeim, þar með talin reyklos.
- Tæmingu olíugildra og setþróa ásamt staðfestingu á förgun efnis úr þeim.
- Niðurstöður mengunarmælinga sem mæla skal samkvæmt starfsleyfi.
- Prófun og kvörðun mælibúnaðar.
- Efnainnihald hráefna og eldsneytis.
- Magn og tegund úrgangs sem fer til endurnýtingar/endurvinnslu eða förgunar samkvæmt starfsleyfi.
- Niðurstöður hávaðamælinga.

## 5. Áhættumat vegna bráðamengunar hafs og stranda

Bráðamengun er skilgreind í lögum 33/2004 sem mengun hafs og stranda sem verður skyndilega og krefst tafarlausra aðgerða.

Við framleiðslu kísils er ekki notast við efnavörur sem geta valdið bráðamengun hafs eða stranda. Engar sýrur, halogen-sambönd eða þessháttar efni eru notuð við framleiðsluna. Einu efnin sem framleiðslan mun skila í sjó er sjór sem notaður verður til kælingar á lokuðu kælikerfi verksmiðjunnar. Komi til leka kælivökva, sem byggir á vatni með frostlegi og bætiefnum sem hindra myndun örvera og tæringu, má gera ráð fyrir að áhrif kælivökvans í höfninni verði nær enginn.

Fjarlægð sjálfrar verksmiðjunnar frá hafnarkantinum er að minnsta kosti 230m. Áður en framleiðsla hefst mun félagið kaupa ábyrgðartryggingar vegna hugsanlegra mengunar-slysa af völdum verksmiðjunnar.

Sökum framangreinds telur félagið ekki að kísilverksmiðja í Helguvík skapi forsendur fyrir bráðamengun hfsins eins og hún er skilgreind í lögum 33/2004. Komi til hættu á bráðamengun vegna skipaflutninga til eða frá verksmiðjunni verður unnið eftir við-bragðsáætlun Reykjaneshafna sem er eigandi Helguvíkurhafnar.

Reykjavík, 25. júní 2013.

f.h. Stakksbrautar 9 ehf.



Vífill Harðarson, stjórnarformaður

**Viðauki 1:**  
**Deiliskipulag Helguvíkursvæðisins**



Revkianesbaer

Breyting á deiliskipulagi Helgufíkur  
hafnar- og löndarsvæði  
Kvarði 1:4000

Slagelse Ring Skole



卷之三

1:4,000

Dælisskipulagsþreyting hefur verið samþykkt á þáttumáliðum Reykjavíkurborgar þann 1. apríl 2011 um 44. og 45. skrifstofumáliðum 12/2010. Niðurstaðan hefur verið annaðhvort

Deikskipulgsþreyling þessi var auglýst í B-dældi Sýsófmatiðins 2011.

The diagram illustrates the body structure of a venomous crambiid moth caterpillar. It features a segmented body with a prominent prothoracic shield at the anterior end. The body is divided into approximately 12 segments, each ending in a proleg. The last segment is the anal segment, which typically bears a pair of prolegs.



Núñez et al. / *Landscape as Socialization Agent* 11

Ainamont veggia **Ashkhabad** 1955-2013, et svædd sem umræði að eftirnafn lygi **Khodzhaev**. [þortu að skoða [Ashkhabad](#) 2008-2014 er teknar til staðgreiningar] Et vœðu **Xochina** að **Khodzhaev** er bestaðingur um 35-36 sem minnsta meðan. Þessi fyrir **Khodzhaev** eru óvinnulegir, svo sem ágætum. Ískvæðum og yfirlænum myndumum af **Ashkhabad** eru wörldum.

## Viðauki 2

### Bréf Skipulagsstofnunar um niðurstöður umhverfismats

## KÍSILVERKSMIÐJA Í HELGUVÍK, REYKJANESBÆ

### ALLT AÐ 100.000 TONNA ÁRSFRAMLEIÐSLA

**Álit Skipulagsstofnunar um mat á umhverfisáhrifum**

#### HELSTU NIÐURSTÖÐUR

Skipulagsstofnun telur að það sé með öllu óljóst hvaðan kísilverksmiðjan muni fá orku til rekstrarins. Þess vegna kunna tímasett áform fyrirtækisins að breytast umtalsvert og byggingarhraði og áfangaskipting kunni að breytast verulega af þeim sökum.

Útreikningar á dreifingu helstu mengunarefna í matsskýrslu sýndu að mengun reiknast alls staðar neðan viðmiðunarmarka reglugerða. Skipulagsstofnun telur í því ljósi að framkvæmdaraðili geti staðið við þær fullyrðingar að styrkur helstu mengunarefna verði innan marka gildandi reglugerða. Það breytir ekki því að starfsemin felur í sér töluverða losun mengunarefna og mun rýra loftgæði nokkuð. Jafnframt ber að hafa í huga að tiltölulega skammt er í nyrsta hluta þéttbýlisins í Reykjanesbæ og því brýnt að fylgjast vel með styrk helstu mengunarefna á svæðinu sem og mögulegum afleiddum áhrifum þeirra. Skipulagsstofnun telur nauðsynlegt að áætlanir um vöktun verði í starfsleyfi frá upphafi. Skipulagsstofnun telur í ljósi óvissu í dreifingarspá fyrir heildarlosun mengunarefna allra fyrirtækja á Helguvíkursvæðinu að vafasamt sé að draga of miklar ályktanir af matsskýrslu varðandi samlegð kísilverksmiðjunnar og annarra verksmiðja á svæðinu.

Skipulagsstofnun telur jafnframt að það sé mjög brýnt að vakta svæðið umhverfis Helguvík frá gangsetningu fyrsta áfanga verksmiðjunnar. Þar sem fyrirhugað er að reisa áver og kísilver á sama svæði er ljóst að mengunarálag á svæðinu mun aukast verulega. Skipulagsstofnun hvetur til þess að sameiginlegri vöktun á áhrifum beggja fyrirtækjanna verði komið á ekki síst í ljósi óvissu um samlegðaráhrif þeirra.

Reykjavík, 10. maí 2013

---

1	INNGANGUR.....	3
1.1	Athugun Skipulagsstofnunar .....	3
1.2	Gögn lögð fram við athugun Skipulagsstofnunar .....	3
2	FRAMKVÆMD OG MARKMIÐ .....	3
3	NIÐURSTAÐA UM MAT Á UMHVERFISÁHRIFUM .....	4
3.1	Vægiseinkunnir.....	4
3.2	Áhrif á menn og samfélag .....	5
3.2.1	Sjónræn áhrif .....	5
3.2.2	Áhrif á loftgæði .....	5
3.2.3	Áhrif á hljóðvist .....	7
3.3	Fastur úrgangur.....	8
3.4	Áhrif á líffríki á landi .....	8
3.5	Áhrif á gæði sjávar .....	9
3.6	Losun gróðurhúsaloftegunda .....	9
3.7	Staða skipulags og leyfisveitinga .....	10
4	NIÐURSTAÐA SKIPULAGSSTOFNUNAR.....	10

## 1 INNGANGUR

### 1.1 ATHUGUN SKIPULAGSSTOFNUNAR

Þann 7. desember 2012 sendi Stakksbraut 9, frummatsskýrslu um allt að 100.000 tonna ársframleiðslu á kíslí í Helguvík, Reykjanesháls til athugunar hjá Skipulagsstofnun, samkvæmt lögum um mat á umhverfisáhrifum nr. 106/2000 m.s.b.

Framkvæmdin og frummatsskýrslan voru auglýst opinberlega þann 14. desember 2012 í Lögbirtingablaðinu, Morgunblaðinu og Fréttablaðinu. Vegna galla í frummatsskýrslu þurfti að lagfæra hana og auglýsa að nýju. Sú auglýsing birtist þann 25. janúar 2013 í Lögbirtingablaðinu, Morgunblaðinu og Fréttablaðinu. Frummatsskýrsla lá frammi til kynningar frá 25. janúar til 11. mars 2013 á Bókasafni Reykjanesháls, í Þjóðarbókhlöðunni og hjá Skipulagsstofnun. Frummatsskýrslan var einnig aðgengileg á Netinu: [www.s9.is](http://www.s9.is). Skipulagsstofnun leitaði umsagnar Reykjanesháls, Fornleifaverndar ríkisins, Hafrannsóknarstofnunarinnar, Heilbrigðiseftirlits Suðurnesja, Mannvirkjastofnunar, Umhverfisstofnunar, Veðurstofu Íslands og Vinnueftirlits ríkisins. Á kynningartíma barst Skipulagsstofnun ein athugasemd. Skipulagsstofnun sendi umsagnirnar og athugasemdina til Stakksbrautar 9 ehf.

Þann 9. apríl 2013 sendi Stakksbraut 9 ehf. matsskýrslu um kísilframleiðslu í Helguvík í Reykjanesháls til Skipulagsstofnunar og óskaði eftir álti stofnunarinnar um mat á umhverfisáhrifum framkvæmdarinnar.

### 1.2 GÖGN LÖGD FRAM VIÐ ATHUGUN SKIPULAGSSTOFNUNAR

**Frummatsskýrsla.** Mat á umhverfisáhrifum við framleiðslu kíslí í Helguvík. Frummatsskýrsla 7. desember 2012 og endurbætt skýrsla dags. 21. janúar 2013 eftir að veðurupplýsingar og dreifing loftborinnar mengunar hafði verið leiðrétt.

#### Umsagnir bárust frá:

- Reykjanesháls með bréfum dags. 17. desember 2012 og 29. janúar 2013.
- Hafrannsóknarstofnuninni með bréfi dags. 3. janúar 2013.
- Heilbrigðiseftirliti Suðurnesja með bréfi dags. 18. febrúar 2013.
- Mannvirkjastofnun með bréfi dags. 3. janúar 2013.
- Fornleifavernd ríkisins með bréfi dags. 19. desember 2012.
- Umhverfisstofnun með bréfum dags. 8. febrúar og 1. mars 2013.
- Veðurstofu Íslands með bréfum dags. 4. janúar og 5. febrúar 2013.
- Vinnueftirliti ríkisins með bréfi dags. 8. janúar 2013.

#### Athugasemdir bárust frá:

- Norðuráli með bréfi dags. 11. mars 2013.

**Matsskýrsla:** Mat á umhverfisáhrifum við framleiðslu kíslí í Helguvík. Matsskýrsla 9. apríl 2013.

Skipulagsstofnun óskaði eftir umsögn Umhverfisstofnunar um drög matsskýrslu og barst hún 8. apríl 2013.


## 2 FRAMKVÆMD OG MARKMIÐ

Í matsskýrslu kemur fram að félagið Stakksbraut 9 ehf. hafi keypt á lóðina Stakksbraut 9 á skipulögðu iðnaðar- og hafnarsvæði í Helguvík. Nýtt íslenskt félag verði stofnað til að sjá um

að hanna, reisa og reka kíslilverksmiðjuna í Helguvík með 100.000 tonna ársframleiðslu. Fyrirtækið muni framleiða kísil til sölu á Evrópu- og Ameríkumarkaði. Fram kemur að verksmiðjan verði reist í tveimur jafnstórum áföngum þar sem fyrst verði framleitt allt að 50.000 tonn árlega og í seinni áfanga verði framleiðslan aukin upp í 100.000 tonn árlega. Framkvæmdir við verksmiðjuna geti hafist á öðrum ársfjórðungi 2013 en byggingartími tveggja ofna sé um 24 mánuðir.

Í matsskýrslu kemur fram að áætlað sé að gangsetja fyrsta ofninn á öðrum ársfjórðungi 2015 og seinni ofninn þremur mánuðum síðar. Markmiðið sé að ná upp í 100.000 tonna framleiðslu fyrir árið 2018. Nákvæm staðsetning og útlit verksmiðjunar á lóðinni hafi ekki verið endanlega ákveðin en það verði gert þegar fullnaðarhönnun fari fram. Hins vegar hafi verið ákveðið, til að sjónræn áhrif verksmiðjunnar verði sem minnst, að staðsetja hæstu bygginguna (ofnahúsið), sem verði um 35 m á hæð á neðri stalli lóðarinnar.

Í matsskýrslu kemur fram að kíslinn verði framleiddur með rafgreiningu kvars og muni fara fram í fjórum ljósboagaofnum. Inni í þeim verði um 1900 °C hiti, en líkja megi ofnunum við stóra lokaða vatnskælda tanka með múnsteinsfóðringu. Gegnum þak ofnanna gangi þrjú rafskaut sem notuð séu til að rafgreina kíslinn, samkvæmt efnahvarfinu:



Fram kemur að til að framleiða 100.000 tonn á kíslí á ári þurfi um 260.000 tonn af kvarsgjóti, um 240.000 tonn af kolefni (kolum, koksi og tréflís) og um 1.200 GWh raforku. Aukaafurðir við framleiðslu 100.000 tonna kíslils verði um 38.000 tonn af kíslryki og 6.000 tonn af kísilgalli.

Til að geta framleitt í fyrsta áfanga (50.000 tonn á ári) þurfi um 600 GWh á ári sem sé orkuþörf sem jafngildi 65 MW afli að jafnaði, en gera megi ráð fyrir að sú orka sé til á raforkunetu i dag. Enn sé ekki sé ljóst hvort næg orka sé til á svæðinu fyrir fjögurra ofna verksmiðju sem hafi orkuþörf sem jafngildi um 130 MW afli að jafnaði. Með tilkomu nýjustu virkjunar Landsvirkjunar, Búðarhálsvirkjunar, verði enn meiri raforka til á netinu þó svo að miklum hluta orkunnar frá þeirri virkjun sé ráðstafað. Til að geta farið í fulla framleiðslu í kíslilverksmiðjunni megi gera ráð fyrir að til þurfi að koma ný virkjun einhvers staðar á suðvesturhorninu. Varla verði ráðist sérstaklega í orkuvirkjanir fyrir seinni hluta verkefnisins enda séu það um 65 MW að jafnaði. Fremur sé gert ráð fyrir að sú orka sem til þurfi í annan áfanga verði umframorka frá nokkrum fyrirhuguðum virkjunum, sem eru í virkjanaflokkum samkvæmt hugmyndum í öðrum áfanga Rammaáætlunar.

Í athugasemd Norðuráls er bent á að Rio Tinto muni fá orku frá Búðarhálsvirkjun en ekki kíslilverksmiðjan en framkvæmdaraðili svarar því til að kíslilverksmiðjan muni fá raforku frá mörgum virkjunum, m.a. umframorku frá Búðarhálsvirkjun.

Skipulagsstofnun telur að það sé með öllu óljóst hvaðan kíslilverksmiðjan muni fá orku til rekstrarins m.a. í ljósi þess sem vitað er um tímaáætlunar vegna virkjanaframkvæmda á SV-horni landsins.

### 3 NIÐURSTAÐA UM MAT Á UMHVERFISÁHRIFUM

#### 3.1 VÆGISEINKUNNIR

Í matsskýrslu framkvæmdaraðila hefur verið lagt mat á áhrif framkvæmda á tiltekna umhverfisþætti. Skipulagsstofnun gaf út leiðbeiningar árið 2005 um flokkun umhverfisþátta, viðmið einkenni og vægi umhverfisáhrifa. Þar er greint frá vægi áhrifa með vægiseinkunum, þar sem neikvæðasta vægiseinkunnin er verulega neikvæð, þá talsvert neikvæð, síðan nokkuð

neikvæð, því næst óveruleg, nokkuð jákvæð og síðar talsvert jákvæð og að lokum eru mestu jákvæðu áhrifin metin sem verulega jákvæð. Í þessu álti notar Skipulagsstofnun vægi áhrifa með vægiseinkunnum á sama hátt og gert er í leiðbeiningum Skipulagsstofnunar frá 2005 sem uppfærðar voru 2012, um flokkun umhverfisþáttta, viðmið einkenni og vægi umhverfisáhrifa.

## 3.2 ÁHRIF Á MENN OG SAMFÉLAG

### 3.2.1 Sjónræn áhrif

Í matsskýrslu kemur fram að sjónræn áhrif kísilverksmiðjunnar í Helguvík á nærliggjandi umhverfi hafi verið metin með því að setja mannvirkin inn á myndir sem teknar voru í nágrenni verksmiðjunnar og bera þær saman með og án mannvirkja. Byggingar kísilverksmiðjunnar muni verða nokkuð stórar. Ofnabyggingin muni verða um 35 m há og þó svo að hún standi á neðra svæði lóðarinnar muni hún standa um 17 m upp úr landslaginu. Hráefnisgeymslur kísilversins muni einnig sjást nokkuð enda sé um nokkuð stórar byggingar að eða um 20 m. Brennunípa muni takmarka sýn á verksmiðjuna frá stórum hluta Keflavíkur, hún muni aðeins sjást frá norðurhluta Keflavíkur, en einnig muni hún sjást úr Innri-Njarðvík. Framkvæmdaraðili telur að kísilverksmiðjan í Helguvík muni ekki hafa áhrif á útsýni meirihluta fbúa Reykjanesbæjar og aðeins lítil áhrif á fjarútsýni frá Garðsskagavegi. Heildaráhrif sjónrænna áhrifa vegna kísilverksmiðjunnar í Helguvík eru metin óveruleg.

Skipulagsstofnun tekur undir vægiseinkunn framkvæmdaraðila í matsskýrslu um að sjónræn áhrif verði óveruleg, einkum í ljósi þess að kísilverksmiðjan mun standa á neðri hluta iðnaðarsvæðis við Helguvíkurhöfn, sem liggur um 20 metrum lægra en efri hluti svæðisins og sjónræn áhrif verði að mestu staðbundin. Skipulagsstofnun telur mikilvægt að vandað verði til útlitshönnunar mannvirkja í samráði við Reykjanesbæ.

### 3.2.2 Áhrif á loftgæði

Í matsskýrslu kemur fram að notast verði við bestu fáanlegu tækni (BAT) í lofhreinsibúnaði, samkvæmt PARCOM (94/1) og BREF-skjali sem gildi fyrir annan málmiðnað en járn og stál. Fyrirtækið muni nota pokasíur sem poli nokkuð mikinn hita og hleypi minna en 5 mg af ryki með hverjum rúmmetra af lofti í gegnum sig. Það sé um 2,5–5 sinnum betri rykhreinsun en sé sett fram sem krafa í starfsleyfum málframleiðslufyrirtækja á Íslandi í dag. Tafla 1 er fengin úr matsskýrslu og sýnir það magn helstu mengunarefna sem berast muni frá framleiðslunni út í andrúmsloft miðað við þau hráefni sem verða notuð. Fram kemur að þessar tölur liggi til grundvallar útreikningum á dreifingu útblástursefna frá framleiðslunni.

Tafla 1. Helstu efni í útblæstri kísilverksmiðjunnar m.v. 100.000 tonna ársframleiðslu.

Lofttegund	SO <sub>2</sub>	NO <sub>x</sub>	PAH	VOC	POP	PM <sub>10</sub>	Málmar <sup>1</sup>
Eining	tonn/ári	tonn/ári	tonn/ári	tonn/ári	g/ári	tonn/ári	kg/ári
Útblástur	1.500	520	0,18	3,7	0,32	130	19,4

<sup>1</sup> Aðrir málmar í ryki < 0,015% af PM<sub>10</sub>: As 4,8 kg; Cd 0,16 kg; Pb 3,8 kg; Zn 7,2 kg; Cr 1,4 kg og Cu 1,0 kg.

Fram kemur að verkfræðistofan COWI í Danmörku hafi útbúið líkan fyrir svæðið. Loftlikanið af svæðinu sé 3000 m x 3000 m að stærð og notast hafi verið við 6 ára veðurgögn

frá tímabilinu 2006–2011 frá Veðurstofu Íslands. Veðurgögnin komi frá næstu sjálfvirku veðurstöð, Keflavíkurflugvelli, bæði fyrir yfirborðs- og háloftaveður. Niðurstöður loftdreifingarreikninganna sýni dreifingu helstu mengunarefna sem myndist við framleiðsluna umhverfis verksmiðjuna. Þar komi fram að styrkur efnanna sem losna frá framleiðslunni, SO<sub>2</sub>, NO<sub>x</sub>, PAH, POP og svifryks (PM<sub>10</sub>), á öllum stöðum, verði vel undir leyfilegum mörkum reglugerða um mengunarmörk þeirra. Tafla 2 sem fengin er úr matsskýrslu sýnir að hæsti reiknaður styrkur helstu mengunarefna er vel innan viðmiðunarmarka reglugerðar nr. 251/2002 um brennisteinsdíoxíð og köfnunarefnisoxíð, bensen, kolsýring, svifryk og blý í andrúmslotinu og upplýsingar til almennings.

**Tafla 2. Hæsti reiknaði styrkur helstu mengunarefna og viðmiðunarmörk efnanna í reglugerð nr. 251/2002.**

Efni	Tímabil	Hæsti styrkur efna µg/Nm <sup>3</sup>	Viðmiðunarmörk µg/Nm <sup>3</sup>
SO <sub>2</sub>	ár	9,9	20
	sólarhr. <sup>1,3</sup>	21,5	50
	sólarhr. <sup>2,3</sup>	27,6	125
	1 klst.	161	350
NO & NO <sub>2</sub>	ár	3,4	30
	sólarhr.	7,5	75
	1 klst. <sup>3</sup>	13,9	110
	1 klst. <sup>3</sup>	56	200
Ryk (PM <sub>10</sub> )	ár	0,96	20
	sólarhr.	2	50

<sup>1</sup> gróðurverndarmörk skv. reglugerð nr. 251/2002 um brennisteinsdíoxíð og köfnunarefnisoxíð, bensen, kolsýring, svifryk og blý í andrúmslotinu og upplýsingar til almennings.

<sup>2</sup> heilsuverndarmörk skv. sömu reglugerð nr. 251/2002.

<sup>3</sup> tvö klukkustundargildi fyrir köfnunarefnisoxíð annars vegar og tvö sólarhringsgildi fyrir SO<sub>2</sub> hins vegar skýrast af því að um er að ræða meðaltal hæstu gilda. En gildin á bak við meðaltöllin eru misjafnlega mörg en jafn mörg og fjöldi þeirra skipta sem styrkur má fara yfir mörkin. Þetta jafngildir því að hærri öryggismörk eru á bak við hærri gildin.

Fram kemur að ekki þurfí að skilgreina þynningarvæði þar sem mengun reiknist alls staðar neðan mengunarmarka og metur framkvæmdaraðilinn að áhrif útblásturs á andrúmsloft verði nokkuð neikvæð.

**Samlegð með annarri starfsemi sem losar sömu mengunarefni í andrúmsloft.** Í matsskýrslu kemur fram að losun efna frá kísilverksmiðjunni í Helguvík muni bætast við þá losun sem þegar sé í Helguvík. Auk þess muni fyrirhugað álver Norðuráls losa verulegt magn af efnum út í andrúmsloftið þegar það hefji framleiðslu. Til að skoða betur styrk sameiginlegrar losunar frá öllum fyrirtækjum á svæðinu var reiknaður styrkur brennisteinsdíoxíðs (SO<sub>2</sub>), köfnunarefnisoxíðs (NO<sub>x</sub>) og ryks (PM<sub>10</sub>) frá öllum verksmiðjunum í Helguvík (fiskimjölsversmiðju Síldarvinnslunnar, Sorpeyðingarstöð Suðurnesja Kölku, Alur álvinnsla og Norðuráli). Brennisteinsdíoxíð sé það efni sem vegi hvað mest í samlegðaráhrifum frá verksmiðjunum. Við samlegðina aukist styrkur helstu mengunarefna lítillega en sé í öllum tilfellum vel innan mengunarmarka. Ljóst sé að losun kísilverksmiðjunar í Helguvík muni auka almenna losun mengandi efna út í andrúmsloftið í Helguvík en loftgæði svæðisins muni þó ávallt vera undir viðmiðunarmörkum íslenskra reglugerða. Mestu muni um brennisteinsdíoxíð (SO<sub>2</sub>) en samanlögð losun fyrirhugaðs álvers

og kíslverksmiðjunnar vegi þar langmest. Áhrif köfnunarefnisoxíðs (NO<sub>x</sub>) og ryks (PM<sub>10</sub>) muni verða mun minni.

Norðurál gerði athugasemdir við frummatsskýrslu þess efnis að ekki hefði verið leitað eftir samstarfi um sameiginlega vöktunaráetlun fyrir umhverfið. Framkvæmdaraðili fyrirhugaðrar kíslilmálmverksmiðju svarar því til að á því verði tekið í starfsleyfi fyrirtækisins.

Skipulagsstofnun telur miðað við framlögð gögn mjög líklegt að framkvæmdaraðili geti staðið við þær fullyrðingar um að styrkur helstu mengunarefna verði innan marka gildandi reglugerða. Það breytir ekki því að starfsemin felur í sér töluverða losun mengunarefna og mun rýra gæði andrúmslofts nokkuð. Í því ljósi megi gera ráð fyrir að áhrif losunar helstu loftborinna mengunarefna verði nokkuð neikvæð. Jafnframt ber að hafa í huga að tiltölulega skammt er í nyrsta hluta þeitbýlisins í Reykjanesbæ og því brýnt að fylgjast vel með loftgæðum á svæðinu sem og mögulegum afleiddum áhrifum helstu mengunarefna. Skipulagsstofnun telur nauðsynlegt að áætlanir um slíka vöktun verði í starfsleyfi frá upphafi og fylgst með útblæstri verksmiðjunnar. Það vekur athygli Skipulagsstofnunar að þegar borinn er saman styrkur ryks sem áætlað er að berist frá öllum verksmiðjum í Helguvík skv. töflu 6 a við styrk ryks frá kíslverksmiðjunni eingöngu skv. töflu 6.2b í matsskýrslu þá er hann áætlaður lægri frá kíslverksmiðjunni heldur en kíslverksmiðjunni að viðbættum hinum verksmiðjunum. Af þessu mætti ætla að aðrar verksmiðjur en kíslverksmiðjan dragi til sín ryk en svo er vitaskuld ekki. Þegar Skipulagsstofnun leitaði skýringa á þessum mun svaraði framkvæmdaraðili því til að þegar dreifing mengunarefna var reiknuð frá öllum verksmiðjunum hafi verið byggt á fimm ára veðurgögnum 2006-2010, en sex ára gögnum 2006-2011, þegar dreifing frá kíslverksmiðjunni var eingöngu til skoðunar. Stillur og þar með lítil þynning mengunarefna á árinu 2011 vega því þungt í samanburðinum. Skipulagsstofnun átelur þau vinnubrögð framkvæmdaraðila að láta standa óútskýrðan í matsskýrslu slíkan mun á losun mengunarefna þar sem fjallað er um samlegð. Í ljósi þess að svo miklu virðist muna við það eitt að eitt ár bætist við þau veðurgögn sem lögð eru til grundvallar annars vegar dreifingu mengunarefna frá kíslilmálmverksmiðjunni eingöngu og hins vegar frá samlegð verksmiðja á svæðinu telur Skipulagsstofnun að varasamt sé að draga of miklar ályktanir varðandi samlegð kíslilmálmverksmiðjunnar og annarra verksmiðja á svæðinu. Skipulagsstofnun telur jafnframt að það sé mjög brýnt að vakta svæðið umhverfis Helguvík frá gangsetningu fyrsta áfanga verksmiðjunnar. Þar sem fyrirhugað er að reisa álver og kísliver á sama svæði er ljóst að mengunarálag á svæðinu mun aukast verulega. Skipulagsstofnun hvetur til þess að sameiginlegri vöktun á áhrifum beggja fyrirtækjanna verði komið á ekki síst í ljósi þess að töluverð óvissa er um samlegðaráhrif þeirra. Af athugasemnum Norðuráls má ráða að fyrirtækið sé sama sinnis.

### 3.2.3 Áhrif á hljóðvist

Í matsskýrslu kemur fram að nokkur hávaði fylgi rekstri kíslverksmiðju og helstu uppsprettur hávaða séu afsogsvistur sem blási lofti frá ofnum til síuhúsa, mölun og flokkun kísils, löndunarkrani og trektar yfir færiböndum og einnig færibond og hjólaskóflur í hráefnisgeymslum. Reiknað hafi verið hvernig hávaði dreifðist frá þessum uppsprettum sameiginlega með útreikningum í SoundPlan forritinu. Niðurstöðurnar sýni að hljóðstyrkur verði ávallt innan marka reglugerðar um hávaða nr. 724/2008. Framkvæmdaraðili telur því að áhrif vegna hávaða verksmiðjunnar á rekstrartíma verði óveruleg.

Skipulagsstofnun tekur undir með framkvæmdaraðila og telur að áhrif framkvæmdarinnar á hljóðvist á rekstrartíma verði óveruleg. Þó ber að hafa í huga að hljóð sem berst frá starfsemi sem ekki er stöðug s.s. vegna löndunar eða lestunar kunni að valda óþægindum án þess að jafngildishljóðstig yfir lengri tíma sé ofan viðmiðunarmarka. Heimilt sé að setja takmarkanir

á slík frávikshljóð ef ótvíraðt er ónæði af völdum þess. Það er því ekki síður í þágu framkvæmdaraðila að hávaði frá starfseminni valdi ekki ónæði í nágrenni verksmiðjunnar einkum á kvöldin og að næturlagi.

### 3.3 FASTUR ÚRGANGUR

Í matsskýrslu kemur fram að úrgangur frá framleiðslu kísils sé hlutfallslega líttill þar sem flest úrgangsefni framleiðslunnar séu verðmæti sem hægt sé að nota í annarri framleiðslu. Fram kemur að allt kapp verði lagt á að endurnýta sem mest af þessum úrgangi og koma aftur inn í framleiðsluna til að lágmarka tap félagsins. Bæði muni það auka framleiðsluna og minnka neikvæð umhverfisáhrif. Ryki, sem myndast við framleiðsluna, verði safnað í pokasíum og selt í sementsframleiðslu í Evrópu. Kísilgjall sem innihaldi of hátt hlutfall járns, áls og kalsíums, verði einnig selt en það megi nota í ýmsum málmiðnaði. Hægt sé að selja mestan hluta úrgangsins en búast megi við að farga þurfi um það bil 50–100 tonnum af kísilgjalli á ári. Úrgangurinn innihaldi hátt hlutfall kísils og nokkuð af járni, áli og kalsíum en öll þessi efni sé að finna í jarðskorpunni og séu þau steinefni hættulaus umhverfinu. Til að hagræða í rekstri fyrirtækisins verði skoðað að endurnýta kola- og koksrykið með því að pressa finni kornastærðir saman í stærri einingar sem síðan má nota aftur í framleiðslunni. Eins muni það verða skoðað vandlega hvort óhætt sé að setja kísilryk úr pokasíunum sem hafi sest í köggla aftur inn í framleiðsluna. Einnig sé hægt að farga úrgangi á jarðvegstípp, sem hafi starfsleyfi. Unnið verði að hentugri lausn í samráði við Heilbrigðiseftirlit Suðurnesja og Reykjanesbæ áður en framleiðsla í Helguvík hefst.

Þá kemur fram að á fimmtíð til þrjátíu ára fresti þurfi að skipta um ofnfóðringar. Notaðar fóðringar séu hættulausar en þeim verði skilað á viðurkenndan móttökustað fyrir úrgang af þessu tagi. Í töflu 3 úr matsskýrslu kemur fram sundurliðun á þeim fasta úrgangi sem ekki verður hægt að nýta.

Tafla 3. Fastur úrgangur sem ekki er hægt að nýta.

Úrgangur	Áætlað magn
Uppsóp af fínefnum frá hráefnum	300-500 tonn á ári
Ónothæft kísilryk	150-250 tonn á ári
Óseljanlegt kísilgjall og málmeifar frá steypuskála	50-100 tonn á ári
Ónýtar múrfóðringar frá ofnum	280 tonn á 20 ára fresti
<b>Samtals árlegur úrgangur</b>	<b>500-850 tonn</b>

Skipulagsstofnun bendir á að förgun fasts úrgangs frá kísliverksmiðjunni er háð leyfi Umhverfisstofnunar. Áður en tekin er ákvörðun um að haugsetja fastan úrgang eins og um jarðefni sé að ræða þarf að liggja fyrir samþykki Umhverfisstofnunar fyrir slíkri tilhögum. Þar til slíkt leyfi liggur fyrir þarf að fara með fastan úrgang eins og annan úrgang og koma honum fyrir á urðunarstað með starfsleyfi. Um aðra tilhögum er eðlilegt að sé fjallað í starfsleyfi fyrirtækisins.

### 3.4 ÁHRIF Á LÍFRÍKI Á LANDI

Í matsskýrslu kemur fram að kísliverksmiðjan verði staðsett á landi sem þegar sé raskað. Lífríki svæðisins sé því mjög fátæklegt. Lítið sé um gróður, en klöpp og melar séu áberandi. Norður af iðnaðarsvæðinu sé graslendi, smárunnar og lyng. Efni sem losni frá framleiðslunni

og gætu haft áhrif á gróður í nágrenninu sé fint kvarsryk sem þó sé langt undir viðmiðunarmörkum skv. reglugerð nr. 251/2002 um brennisteinsdioxíð og köfnunarefnisoxíð, bensen, kolsýring, svifryk og blý í andrúmslotinu og upplýsingar til almennings. Rykið sé ólífrænt steinefni sem sé hættulaust og muni ekki hafa nein áhrif á gróður í nágrenni verksmiðjunnar. Austan iðnaðarsvæðisins sé nokkuð af fugli, mest sjófugli sem verpi í bergeninu, en á Helguvíkurþáslitu finnist refur, minkur og hagamýs. Í matsskýrslunni er tekið mið af matsskýrslu Fjarðáals á Reyðarfirði, en þar hafi áhrif efna í útblæstri á dýralíf verið skoðuð. Þar hafi komið fram að við þann styrk efna sem sé í útblæstri álversins hafi áhrif brennisteinsoxíðs ( $\text{SO}_2$ ), svifryks, köfnunarefnissambanda ( $\text{NO}_x$ ) og PAH verið óveruleg. Styrkur efna frá kísilverksmiðjunni í Helguvík verði mun minni en styrkur efna frá álverinu á Reyðarfirði og því telur framkvæmdaraðili að áhrif á lífríki á landi verði óveruleg.

Skipulagsstofnun tekur undir með framkvæmdaraðila um að kísilverksmiðjan í Helguvík muni hafa óveruleg áhrif á lífríki á landi.

### 3.5 ÁHRIF Á GÆÐI SJÁVAR

Í matsskýrslu kemur fram að kísilframleiðslan hafi ekki í för með sér beina losun úrgangsefna til sjávar. Þurrhreinsibúnaður verði notaður við hreinsun útblásturs og sjókæling í lokaðu kerfi, en hvorugt feli í sér losun efna í sjó. Einu áhrifin á sjó verði varmi frá lokaðu kælikerfi sem notar sjó til kælingar í varmaskipti við vatn kælikerfisins. Til að valda sem minnstum áhrifum í höfninni verði kælikerfið hannað þannig að hitamunur á sjó sem dælt sé inn í varmaskiptinn og út úr honum aftur sé aldrei meiri en  $10^{\circ}\text{C}$ . Gera megi ráð fyrir því að kæliþörf verksmiðjunnar verði á bilinu  $2500\text{--}3000 \text{ m}^3/\text{klst}$ . Verksmiðjan sé enn ekki fullhönnuð og vonast sé til að hægt verði að endurnýta varmann í iðnaði á svæðinu. Framkvæmdaraðili bendir á að komi til þess að allur varminn verði losaður í sjóinn, þá liggi talsverður straumur meðfram strandlengjunni, sem auki varmastreymið út úr höfninni og út í flóann og því megi gera ráð fyrir að mjög lítil hitaaukning verði í Helguvíkurhöfn sjálfrí að undanskildu því svæði þar sem sjó sé dælt aftur út í höfnina.

Fram kemur að ekki séu í gildi neinar beinar reglur um losun varma í sjó, lög nr. 7/1998 kveði á um að ekki megi leiða það mikinn varma að hann hafi skaðleg áhrif á heilsufar almennings, valdi röskun í lífríki eða óhreinkun á lofti, láði eða legi. Eftir þessum reglum verði farið við hönnun kælikerfis verksmiðjunnar.

Skipulagsstofnun telur brýnt að við endanlega hönnun kælibúnaðar verði þess gætt að starfsemin muni ekki valda röskun á lífríki sjávar við útrás. Takist það telur Skipulagsstofnun að áhrif starfseminnar verði óveruleg á lífríki sjávar. Skipulagsstofnun tekur jafnframt undir umsögn Hafrannsóknarstofnunar en í henni var tekið undir hugrenningar í frummatsskýrslu þess efnis að mögulegt væri að nýta varma frá verksmiðjunni til annarra verkefna.

### 3.6 LOSUN GRÓÐURHÚSALOFTTEGUNDA

Í matsskýrslu kemur fram að við framleiðslu 100.000 tonna af kíslí í Helguvík losni um 360.000 tonn á ári af koldíoxíði ( $\text{CO}_2$ ). Komi til kolefnisskatta á losun koltvísýrings muni fyrirtækið falla undir þau lög sem sett verði um íslensk fyrirtæki í samskonar rekstri. Kísilframleiðslan í Helguvík muni taka þátt í viðskiptakerfi með losunareimildir gróðurhúslofttegunda og sé markmiðið bæði að draga úr losun gróðurhúslofttegunda og að nota endurunna orku frá kísilframleiðslunni. Þannig sé ætlunin að nota bestu aðferðir til að farga og/eða nýta útblásturinn frá framleiðslunni í aðra framleiðslu, til dæmis metanól- eða

lífalkóhólframleiðslu. Eins verði skoðað hvernig hægt sé að beita tækni til að farga eða nýta koltvísýring útblástursins með mótvægisáðgerðum.

Skipulagsstofnun bendir á að starfsemin fellur undir lög nr. 70/2012 um loftslagsmál og ber því að afla losunarleyfis. Ljóst er að starfsemin mun auka nokkuð heildarlosun Íslands af gróðurhúsalofttegundum. Framkvæmdaraðili hefur lýst yfir áhuga á því að nýta útbláastur og varma til að draga sem kostur er úr losun gróðurhúsalofttegunda. Ekki er efast um ásetning framkvæmdaraðila til að draga eins og kostur er úr losun gróðurhúsalofttegunda með tæknilegum lausnum en þær eru ekki hluti þessa verkefnis. Þær hugmyndir sem kynntar hafa verið virðast tæknilega framkvæmanlegar, en eru háðar samstarfi við aðra aðila sem ekki tengjast þeirri framkvæmd sem hér er til umfjöllunar. Skipulagsstofnun telur því að áhrif af völdum losunar gróðurhúsalofttegunda verði nokkuð neikvæð, en mögulega verði dregið úr þeim neikvæðu áhrifum með nýtingu útblástursins í annars konar efnaiðnað.

### 3.7 STAÐA SKIPULAGS OG LEYFISVEITINGA

Varðandi stöðu skipulags og leyfisveitinga vegna kíslverksmiðju Stakksbrautar 9 ehf. með allt að 100.000 tonna ársframleiðslu í Helguvík bendir Skipulagsstofnun á eftirfarandi:

- Framkvæmdin er í samræmi við Aðalskipulag Reykjanesbæjar.
- Framkvæmdin er háð byggingarleyfi skv. 9. gr. laga nr. 160/2010 um mannvirki.
- Framkvæmdin er háð starfsleyfi Umhverfisstofnunar samkvæmt lögum nr. 7/1998 um hollustuhætti og mengunarvarnir og reglugerð nr. 785/1999 um starfsleyfi fyrir atvinnurekstur sem getur haft í för með sér mengun.
- Framkvæmdin er háð starfsleyfi Vinnueftirlits ríkisins skv. 95. gr. laga nr. 46/1980 um aðbúnað, hollustuhætti og öryggi á vinnustöðum.
- Framkvæmdin er háð losunarleyfi skv. 8. gr. laga nr. 70/2012 um loftslagsmál.

## 4 NIÐURSTAÐA SKIPULAGSSTOFNUNAR

Í samræmi við 11. gr. laga um mat á umhverfisáhrifum nr. 106/2000 m.s.b. og 24. gr. reglugerðar nr. 1123/2005 um mat á umhverfisáhrifum hefur Skipulagsstofnun farið yfir matsskýrslu Stakksbrautar 9 ehf. sem lögð var fram samkvæmt 10. gr. sömu laga. Matsskýrsla Stakksbrautar 9 ehf. byggði á auglýstri frummatsskýrslu, umsögnum og athugasemd sem bárust á kynningartíma frummatsskýrslu og afstöðu Stakksbrautar 9 ehf. til þeirra.

Skipulagsstofnun telur að matsskýrsla Stakksbrautar 9 ehf. hafi uppfyllt skilyrði laga og reglugerðar um mat á umhverfisáhrifum hvað varðar þau atriði sem getið er í 18. grein reglugerðar nr. 1123/2005. Einnig telur stofnunin að í matsskýrslu sé gerð grein fyrir athugasendum og umsögnum sem bárust á kynningartíma frummatsskýrslu og þeim sé svarað á fullnægjandi hátt.

Skipulagsstofnun telur að það sé með öllu óljóst hvaðan kíslverksmiðjan muni fá orku til rekstrarins. Þess vegna kunna tímasett áform fyrirtækisins að breytast umtalsvert og byggingarhraði og áfangaskipting kann að breytast verulega af þeim sökum.

Skipulagsstofnun tekur undir vægiseinkunn framkvæmdaraðila í matsskýrslu um að sjónræn áhrif verði óveruleg, einkum í ljósi þess að kíslverksmiðjan mun standa á neðri hluta iðnaðarsvæðis við Helguvíkurhöfn, sem liggur um mun lægra en efri hluti svæðisins og sjónræn áhrif verði að mestu staðbundin. Þó svo að Helguvíkursvæðið sé afmarkað fyrir iðnað

telur Skipulagsstofnun mikilvægt að vandað verði til útlitshönnunar mannvirkja og fullt samráði verði haft við Reykjanesbæ um ásýnd svæðisins.

Útreikningar á dreifingu helstu mengunarefna í matsskýrslu sýndu að mengun reiknast alls staðar neðan viðmiðunarmarka reglugerða. Skipulagsstofnun telur í því ljósi að framkvæmdaraðili geti staðið við þær fullyrðingar að styrkur helstu mengunarefna verði innan marka gildandi reglugerða. Það breytir ekki því að starfsemin felur í sér töluverða losun mengunarefna og mun rýra loftgæði nokkuð. Jafnframt ber að hafa í huga að tiltölulega skammt er í nyrsta hluta þéttbýlisins í Reykjanesbæ og því brýnt að fylgjast vel með styrk helstu mengunarefna á svæðinu sem og mögulegum afleiddum áhrifum þeirra. Skipulagsstofnun telur nauðsynlegt að áætlanir um vöktun verði í starfsleyfi frá upphafi. Skipulagsstofnun átelur þau vinnubrögð framkvæmdaraðila að láta standa óútskýrðan í matsskýrslu mun á losun mengunarefna frá kísilverksmiðjunni í samanburði við heildarlosun allra fyrirtækja á Helguvíkurþólinu þar sem fjallað er um samlegð. Í því ljósi telur Skipulagsstofnun að vafasamt sé að draga of miklar ályktanir af töflu 6.a á bls. 48 í matsskýrslu varðandi samlegð kísilverksmiðunnar og annarra verksmiðja á svæðinu.

Skipulagsstofnun telur jafnframt að það sé mjög brýnt að vakta svæðið umhverfis Helguvík frá gangsetningu fyrsta áfanga verksmiðjunnar. Þar sem fyrirhugað er að reisa álver og kísilver á sama svæði er ljóst að mengunarálag á svæðinu mun aukast verulega. Skipulagsstofnun hvetur til þess að sameiginlegri vöktun á áhrifum beggja fyrirtækjanna verði komið á ekki síst í ljósi þess að töluverð óvissa er um samlegðaráhrif þeirra.

Skipulagsstofnun tekur undir með framkvæmdaraðila og telur að áhrif framkvæmdarinnar á hljóðvist á rekstrartíma verði óveruleg. Þó ber að hafa í huga að hljóð sem berst frá starfsemi sem ekki er stöðug s.s. vegna löndunar eða lestunar kunni að valda óþægindum án þess að jafngildishljóðstig yfir lengri tíma sé ofan viðmiðunarmarka. Heimilt sé að setja takmarkanir á slík frávikshljóð ef ótvíraett er ónæði af völdum þess. Það er því ekki síður í þágu framkvæmdaraðila að hávaði frá starfseminni valdi ekki ónæði í nágrenni verksmiðjunnar einkum á kvöldin og að næturlagi.

Skipulagsstofnun bendir á að förgun fasts úrgangs frá kísilverksmiðjunni er háð leyfi Umhverfisstofnunar. Áður en tekin er ákvörðun um að haugsetja fastan úrgang sem hvert annað jarðefni þurfi að liggja fyrir samþykki Umhverfisstofnunar fyrir slíkri tilhögun. Þar til slíkt leyfi liggur fyrir er þarf að fara með fastan úrgang eins og annan úrgang og koma honum fyrir á urðunarstað með starfsleyfi. Um aðra tilhögun er eðlilegt að sé fjallað í starfsleyfi fyrirtækisins.

Skipulagsstofnun telur brýnt að við endanlega hönnun kælibúnaðar verði þess gætt að valda ekki röskun á lífríki sjávar við útrás. Takist það telur Skipulagsstofnun að áhrif starfseminnar verði óveruleg. Skipulagsstofnun tekur jafnframt undir umsögn Hafrannsóknarstofnunar en í henni var tekið undir hugrenningar í frummatsskýrslu þess efnis að mögulegt væri að nýta varma frá verksmiðjunni til annarra verkefna.


Skipulagsstofnun bendir á að starfsemin fellur undir lög nr. 70/2012 um loftslagsmál og er því leyfisskyld á grundvelli þeirra laga. Ljóst er að starfsemin mun auka nokkuð heildarlosun Íslands af gróðurhúsalofttegundum. Framkvæmdaraðili hefur lýst yfir áhuga á því að nýta útblástur og varma til að draga sem kostur er úr losun gróðurhúsalofttegunda. Ekki er efast um ásetning framkvæmdaraðila til að draga eins og kostur er úr losun gróðurhúsalofttegunda með tæknilegum lausnum en þær eru ekki hluti þessa verkefnis. Þær hugmyndir sem kynntar hafa verið virðast tæknilega framkvæmanlegar en eru háðar samstarfi við aðra aðila sem ekki tengjast þeirri framkvæmd sem hér er til umfjöllunar. Skipulagsstofnun telur því að áhrif af völdum losunar gróðurhúsalofttegunda verði nokkuð neikvæð en mögulega verði dregið úr þeim neikvæðu áhrifum með nýtingu útblástursins í annars konar efnaiðnað.

Skipulagsstofnun bendir á að ef framkvæmdaraðili ákveður að breyta frá þeiri tilhögun sem kynnt var í matsskýrslu þarf að kanna hvort þær breytingar séu tilkynningaskyldar til Skipulagsstofnunar og eftir atvikum tilkynna þær til Skipulagsstofnunar til ákvörðunar um matsskyldu á grundvelli tl. 13a í 2. viðauka laga um mat á umhverfisáhrifum. Ávallt þarf að skoða slíkt í hverju tilfelli fyrir sig hvort heldur breytingar snúi að framleiðslu, búnaði, hráefnum, úrgangi eða mengun.

Reykjavík, 10. maí 2013.



Rut Kristinsdóttir



Sigurður Ásbjörnsson